

Javier SOLANA, visoki predstavnik Evropske unije za pitanja zajedničke vanjske i sigurnosne politike, pozdravlja značajan napredak ostvaren na pitanju restrukturiranja policije u Bosni i Hercegovini

Lideri političkih stranka Bosne i Hercegovine su ove sedmice napravili veliki korak u pravcu osiguranja moderne policijske službe za BiH koja će se boriti protiv kriminala i biti u službi građana. Sporazum o restrukturiranju policije koji je postignut na Vlašiću također predstavlja veliki korak ka ispunjenju uslova postavljenih u Studiji izvodljivosti Evropske komisije.

Od suštinskog je značaja da političari nastave posao koji su započeli, te da ga uspješno okončaju, finaliziranjem detalja Sporazuma postignutog na Vlašiću te integriranjem cjelokupnog Sporazuma u usvojenu zakonsku regulativu.

Kako bi se ispoštovao vremenski rok koji BiH ima za ispunjenje uslova iz Studije izvodljivosti – te u cilju da BiH ostane na putu ka otvaranju pregovora o stabilizaciji i pridruživanju sa Evropskom unijom – entitetski parlamenti moraju ratifikovati konačni Politički sporazum prije kraja maja.

Evropska unija je od početka bila aktivno i u velikoj mjeri uključena. Policijska misija Evropske unije u Bosni i Hercegovini (EUPM), naročito, je pružala konstantan tehnički i praktičan doprinos procesu reforme policije. Evropska unija će i dalje nastaviti da pruža svaku pomoć koja može biti potrebna.

Ostalo je malo vremena, ali postoji velika podrška građana. Lideri stranaka su pokazali mudrost, viziju i dobru namjeru, koji su ih vodili do sada; to isto ih može odvesti – a i cijelu BiH- do uspješnog završetka.

Ova se šansa ne smije propustiti.